

arnaa Paakka, qutsaserlutik illartitsigallaripput. Piumasut sis-sami mattattuuttorsuit tappika illorujussuup iluani neqinik inalukkanillu – killoriarlugit ulillugit saleqqissaakkanik – mamarunarnersuinnarlutik qulissiutit uuilersukutsooriarlugit qulissertorsuanngorput qullersuatik taqqueruloorlugit.

Apereersimalluni qerinnartuummat neqit orsullu quit ilu-inut qaavinullu iliorarlugit qeritsiusiinnarneqarput. Qimmit naammatsivillutik nerisimasut aammillu alutturuloorsimasut inuttulli iluarusutsigunarlutik nallaannartalereerput isikkatillu alutturusaarlugit. Kikkut tamarmik ikioqatigiilluarlutik pilariarmata sivitsorpallaangitsoq illorujussuarminnut majuaapput. Iserfiat neqisunnialaaramiliuna!

Qilalukkap sakiaminersui aapaartut orsorasaartorsuit angu-titaasa mamarsaatigaat inalukkanik killuinnakkanik ulillugit uutanik illuperaarlugit. Ningiortannguat Alliaq, arnaq peqqis-saarluinnartoq ilisimatoorlu, iganermut ilikkarluinnarsi mavoq. Ilami qulissigai allanit tamanit soorlu tipiginnerusar-tut.

Nerereernerup kingorna ullumiummat qilalukkerinermin-nik oqaluasaartut inermata nukappiaqqat angutillu allunaaqat-tartorsuanngorput. Allunaarsuit paakkarutinut ikaartitikkat qaqqivigisarpaat timersuutinillu tamalaanik aliikkusersorlu-tik. Inersimasortaasa nuannarinerusarpaat „qajaasaarneq.“

Inersimasunit siulliulluni Quttoraq allunaarsuit siaqqisi-masut marluk akornannut qeqqilluni inissippoq. Allunaarsuit talliminik illuttut ammut naqeriaatigalugit aalassarilluinnar-luni isikkani nissiguppai issiasutut ilerluni. Allunaat illugiit nulumi avataatungikanniannut inisseriarlugit tunumigut saa-mimminik tiguai saamigullu talerpimminik. Taavalu qaanna-tut kinngusaqattaartutut iliorluni siullermik saamimmut kin-ngusarluni makittaqattaalerpoq allunaallu qipinerat naam-magileramiuk talerpimmut kinngusarluni makittaqattaarluni. Allunaat qippunnerat peqatigalugu makinniartarneq ilunger-sornarsigaluttuinnartaraluartoq Quttoraq sungiusarluarsima-qisoq eqaalluinnarluni makittaqattaarpoq.

Angerlakkut Aneerarluk Quttoqqatulli eqaatsigisorinarlutik

tamalaarpassuarnik pissusilersorlutik allunaaqattartareemata nukappiarartaat aamma sungiusalerput.

Quttoqqap erna angajulleq – taamani Pikiulinnguami nukappiaqqanit angajullersaasoq – Mikisuluk siulliulluni avallaqqaarpoq. Allunaaq siaqqisimasoq ataaseq tikikkamiuk nisuni talerpilleq qulaatitippaa seeqqumi peqittarfianut pisillugu. Nissuni saamerleq nivingatiinnarlugu siumut uleqattaarluni aallartippoq, kingornalu nissumi inissisimanerat paarlaateriarlugu tunummut kusanavissumik uleqattaarluni.

Taama iliorluni allunaaqattarneq taaneqartarpoq „oqaatsuaasaarneq.“ Mikisuluk aqqarmat Qooqa Aneeqqallu ernerisa angajullersaat – Inequnaaluk – kinguleriillutik aalassarilluinnarlutik oqaatsuaasaarput inersimasortatik assut qungju-laartitalugit. Tamatumalu kingorna qajaasaarnermik aamma misilikkallarput. Inersimasortaasa tulluusimaarutigisarpaat nukappiarartamik malunnavissumik eqaalliaruaarneri.

Allunaat taamatut siaarsimasut atuinnarlugit pinnguaaterpassuit tamalaat pinnguaatigineqartarput. Angutititik allunaaqattartillugit arnartaat pumasut ajagartartorsuupput. Nukappiarartaat allunaaqattanngikkaangamik qimussertuusaarput puisit saarninik qimmilersorlutik. Assaqqut angutitarsarpaat arnartarlugillu akut. Taamani Qooqap angummi aaffattaata assaqqorsua ittoqusiussimavaa, nukappiaraqataasalu ussui natsillaalluunniit assaqqorsui ittoqutigaat.

Pinnguarnertit naggaserneqartarput niperujoortunik tamalaanik. Arnartaat tunuarsimaarajuttut niperujoorneq aallartitorlu tunuarsimaarunnaarlutik appittuusaqattaalersarput. Niperujoortut nuannersarniarlutik nuannersarluinnalerput ningiortannguamik Alliap appimmagu „qilalukkanut pitorarsaat.“ Qilalugarsimasoqartillugu unnussiuarnerup naggatigisarpaa taanna: „Qilalukkanut pitorarsaat“

1. Qilalugannguaq, qilalugannguaq!
Qanilliarorit, qanilliarorit!
Puilluartarit, puilluartarit!
Angutitannguarput toraarluarlugu!

2. Qilalugannguit, qilalugannguit!
Piniagannguit, qujanaqinnguit,
qanilliaritoritsi qimanniarasi
angutitannguatta utaqqivaasi-aa!

3. Qilalugarsuit, qilalugarsuit!
Mamarunarsuit, neqitungaarsuit!
Qajannguartavut likittarisigik,
Pikiulinnguaq saneqqusungalaarlugu!

4. Qilalugarsuit, uialissuit!
Pitoraritsi-aa, pitoraritsi-aa!
Qajannguartavut toraarluarlugit
Pikiulinnguarmiut pisassillugit!

Qulumini nunallit qilalukkerileraluarlutik malersukkatik tam-
maasivaat assarnimik anorlersukasinnngormat. Angerlakkut si-
samarsuit pisareruttorlugit Qulumimiut tikiummata inner-
suukkaluarpaat ningeqqullugit, ittualli Saqu nilleranilu avan-
namut nunaqarfimmik tungaanut sanguterluni aallariarmat
ilaasa maliinnarpaat.

Unnuk taanna Pikiulinnguarmiut nuannateruttortut Qulu-
mimiut nikallungasorsuupput. Angutitaat susaarsimallutik ti-
kissimapput qilalukkanik malersoraluarnermik puisisiorsi-
mannnginnamik. Piniartoqqittarsuaq Saqu, aatsaat naleqqute-
ruttortoq, annuttuinnaalluni issiavoq sumillu neriumanani
oqassananilu. Isigalugu eqqumiippoq. Issianiarluni ilaanni
qarsoruni killinnguatigut aappaluttuinnaannngorluni kiagulil-
laruni! Piniartoqatai neritsiaraluaramik Saqu nerinngimmat
neriunnaaginnarput. Saqu isumaannarmigut aalajangersaavoq,
pilersaarutitoqqani – ilaanni taamaatittarsimasani – aatsaat
taamak sakkortutigitillugu puttallaavaa.

Pikiulinnguarmiut Qulumimiullu ileqqorisarpaat piliaminnut
tapertassatut tullerunnartartarlutik. Tullerunnat taasarpaat: Pa-
kalaat. Pakalattaatik ammassaatinut arlalinnut poortortarpaat

orsunik akoorlugit. Mamarluartinniaraangamikkik ilaanni kuanernik akoortarpaat ungerlattelugillu. Taavalu qimatulivisuarnut alanngortaniittunut qimatulisarpaat. Pakalaasiat taamaattut kinguleqqiutiginiarlugit ammaraangamikkik naasorsunni tipigiallakkaangamiliuna! Ningiortannguat Alliaq piliassanut suugalanulluunniit ilikkarluinnarsimasuuvoq. Ernersuani Angerla piniartorsuannngortoq tulluusimaarutigisaqaa, Angerlallumi aamma arni asasorujussuuaa.

Pikiulinnguarmiut pakalattarfigisarpaat saqqaminni innaarsuk serfat taateraallu ineqarfiat. Pakalattaatik ilaniaraangamikkik Pikiulersuup innartaanut timmissat inersuinit ikaartarput, tassami pakalaat innamiittut pitsaanerutittaramikkik. Innat taakku Qulumimiut aamma pakalattarfigisarpaat.

Aasaq taanna Pikiulinnguarmiut Pikiulersuarmut pakalattariarsimasut annilaarsimapput, tassa Saqup nukaa kisimiilluni pakalattariarsimagaluarluni nakkaasimalluni toqungasoq naammattooramikku! Quluminiut kalerriukkiartormassuk angajuata Saqup umiaanik aasimavaat. Taanna aallarniutigalugu Saqu Pikiulinnguarmiunut malunnartumik inussiariniillisimavoq – sunaaffa Pikiulinnguarmiut pasillera pilerngullugu nakkartissimasoralugu.

Ukiaq tamanna Pikiulinnguarmiut piniartut pingasut pisaqamasorsuupput. Akuttunngitsunik qilalugarsuarnik tulaassisarput. Ikerasaap saava puiseqarnerisugaralugu piniarfigillualerpaat, ilaannilu tamaani qilalugarsuit naammattooraangamikkik pisaqarfigisarlugit. Qimatuliviit quillu tamarmik ulikkaarput. Asulu upernassakkut ammassilluarsimapput Iginniarfinguamilu akimmigartunik aataakutsoorsimallutik. Ukiussamut ernumangilluaasarput. Taamaattumik tupinnangilaq qiimasorsuullutik ukiarsermata.

Ukialernerit tamaasa Qulumimiut umiat marlunngorlugit Pikiulinnguarmiunut tikeraartarput. Nerersuaqattaassinnarlutik timersuutininik tamalaanik aliikkusersortarput unnullu kingulleq nuannivissumik iverfigisarlugu. Qulumimiut angerlalersullu Pikiulinnguarmiut umiat marlunngorlugit aamma

Qulumimiunukararaat taamatullu nalliuttorsioqatigiillutik. Ileqqoq taanna nunaqarfinni taakkunaniamiut allangortissanagu atortoriuarsimavaat.

Ukiaq taanna piisaaruttoffiup nalaani Qulumimiut ileqqumissut tikeraarnissaat Pikiulinnguarmiut qilanaarilerpaat. Aat-saammi taama nerisassamaateqartigaat. Utaqqigaluarammikkik suli pitarutinningsut ukiarluaannaqaaq. Nillertisimalerluni qatsorlunilu sikuarniartalermit umianik angalasussanik ilimasuk-kunnaaginnarput. Pikiulinnguarmiut Qulumimiunut tikeraarniarlutik piukkoortalaruaput, kisianni Qulumimiut siulliullutik aggertarmata aggernissaat utaqqigaluarlugu ukiaattooramik agginngitsuuginnarput.

Qulumimiut agginngitsoornerat tupigusuutigalugu utoqqartatik oqaluleraangata piniartortaausut nipangerlutik tusarnaaginnartarput. Nalunngilaat Saqu nukkili ajunaarmat nipaarlulersoq – immaqa nuannaarsarnissaq soqutigiunnaarallarsimallugu. Pikiulinnguup Qulumillu akornanni qajartorlutik naapeqatigiittuarteramik Qulumimiut qajartortut takugaangamikkik ileqqortik malillugu naaperiartalaruaput, kisianni takullutillu Qulumit tungaannut tunuartiinnaleraangata malimisaaralarlugillu tunuinnartarpaat. Angerlakkut pasitsapput Saqum nuannariunnaarsimagaatik.

Ukiaq taanna sikuarniakujuttorsuannortoq Pikiulinnguarmiut qajartorlutik aasiit aallarput. Ikermi qamallutik Angerlakkut Aneeraru tamarmik immikkut allattoorsuarnik pisaqarput. Pingajuata Quttoqqap ilani oqarfigai kangujarterluni angisoorsioralarumalluni.

Angerlakkut Aneeraru tamarmik allattoorsuarnik marlo-raarsimallutik taarsilluni nittaalakuluttorsuannortoq tikipput Quttoraq suli tikissimanngitsoq. Unnulluni assarnertorsuannogoraluarmat isumaginngilaat qajaqqissorsuummat angisuumik kalitassarsisimaguni unnuussaanngitsoornaviannngimmat.

Quttoraq tikissiigaluaramikku tikinngitsuuginnaleqaaq. Ullaassanngortorlu nulia meeraalu angutit marluk, Mikisuluk Saamillu, uppusermata illorujussuup inui ilaaqquitiinnarput.

Aqaguani qaammalernera ilutigalugu Angerlakkuk Anee-

rarlu paasisassarsioraluarumallutik aallarput. Malunnartorsingivillutik angerlaannarnialeraluarlutik oqquminni qajarseriataarput. Ilisaraat Saqu!

Tamatumuuna ungavarternianngeriarmat tikiserlugu tikinngitsoortortaminnik nalunaarfigaat. Saqu oqarpoq Quluminut takkussimanngitsoq ippassarlu qajartoraluaramik takusimangu. Angerlakkut paasiinnarpaat Quttoraq ajunaarsimasoq naak qajaqqissorsuugaluarluni.

Tamatuma kingorna ullut arlaanni ullorulaalersoq Pikiulinguami piniartortatuaalersut Angerla Aneeraru aallarniarlutik pikileruttortut qajarsuit marluk uiarupput. Saqu Inukkarlu tikittut-uku! Saqu oqalulerpoq:

„Ippassaq Pikiulersuup kangilernani kangerlua avaqqutilerlugu allagisaqalerama ornillugu uku paatit! Tikinngitsoortotassinnut pigissasoralugit takutikkiartorpakka.“ Angerlakkut ilisarilluinnarpaat Quttoqqap paatai! Tupigaalli tikinngitsoormat aqaguani ujaasillutik Pikiulersuup kangilernani kangerluk taanna peqqissaartumik misissoraluaramikku nassaarisimanninnamikkik. Imaannarmimi tissukaqqaariarlutik tamaanga tipisimasinnaapput naak tikinngitsoornerata kingorna assarnerusaartuaannarmat tassunga tipinissaat ilimanarpiannigkka-luortoq.

Pikiulinnguarmiut aliasukkaluarlutik Saqu Inukkarlu alutoralugit inussiarnisaarfigaat ukiarlu takkutinnimmata maqaasinerarlugit. Saqu oqarpoq:

„Nukara ajunaarmalli uanga aliasuttunngorama nuannaar-nissaq soqutigiunnaarlugu, ilakka pilerisuttaraluartut nangartaannarakkit.“

Saqqut isersimagaluaramik qanganit nipaarluneroqaat. Quttoqqap nulia meeraalu aliasuttut qissimittaleraluarlugit Saqu kiaguttorsuanngorpoq. Angerlartariaqalersumillu unnerluni anilermat Inukkap maliinnarpaa.

Aterput tuaviinnaq! Qaannaminnut ikigamik aallarperput – sukkalluinnassusii – soorlumi qimaaginnallartut!